

滇海虞衡志附校勘記（二）
涼州異物志



涼州異物志

張樹纂輯

中華書局

叢書集成初編

滇海虞衡志（及其他一種） 二冊

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

此據二酉堂叢書
本排印初編各叢
書僅有此本

涼州異物志序

澍按王伯厚玉海云。隨志。後漢議郎楊孚纂異物志一卷。一云交州異物志。水經注引作南裔異物志。吳丹陽太守萬震南州異物志一卷。朱應扶南異物志一卷。唐志。沈瑩臨海水上異物志。陳祈暢異物志。各一卷。房千里南方異物志。孟瑄嶺南異物志。各一卷。又文選注引譙周異物志。卽史記正義所引巴蜀異物志也。文選注又引薛瑩荆揚已南異物志。一切經音義引薛翊異物志。隨志。作薛翊。晉書續咸著異物志十卷。太平御覽藝文類聚引曹叔雅異物志。太平寰宇記引作叔雅廬陵異物志。蘇頌本草引徐夷南州異物志。史記正義引宋膺異物志。是異物有志。在昔繁矣。而涼州異物志。著於隋唐志。隨一卷。唐二卷。博物志。水經注均引作涼土異物志。惜不傳作者姓字。觀其寫致敷詞。頗諧聲律。采藻精華。方諸萬氏。又未嘗不嘆其散佚也。宋膺異物志。隱匿鮮章。史注所引。多說西方。且月氏羊尾。文與涼州異物志全同。太平廣記引涼州異物志。羊子生土中。文亦與宋膺異物志同。疑涼州異物志。卽宋膺所纂。漢晉之時。敦煌宋氏。俊才如林。文采多麗。豈其然乎。以無左證。未能質言耳。閒有音註。仍舊存之。偶得事比。亦註於末。聊廣異聞云爾。

涼州異物志

清 武威介侯甫張 謝纂輯

有一大人。生於北邊。偃臥於野。其高如山。頓腳成谷。橫身塞川。近之有災。銅電擊旂。太平御覽原注。在丁零北千五百里。長萬餘里。頓腳之間。乃成大谷。惟可遙看。不可到。下到則雷電流。銅鐵之丸爲雹。以擊殺人。

謝按初學記引有下無一字。災作尖。又引注云。旂之也。末句作以擊人。無殺字。

姜賴之墟。今稱龍城。恆谿無道。以感天庭。上帝震怒。溢海蕩傾。剛鹵千里。蕤藜之形。其下有鹽。累棋而生。太平御覽原注。姜賴。胡國名也。恆谿。其王字也。矜貪無厭。上帝化爲沙門。游於國。觀其政。遂往谿乞之。以鹽與帝。帝乃震怒。使蒲葦溢以盪覆也。其地化爲鹵。而堅剛。狀如蕤藜。撥發其底。鹽方大如棋。以次相累而生。坐以鹽乞天帝。故使此地化生鹽也。

謝按類聚引云。姜賴之墟。今稱龍城。生赤黑鹽。以其生於胡國。名曰戎鹽。張掖有池產紅鹽。又按恆谿一作垣谿。注文矜貪一作貪婪。遂往一作遂從。水經注云。龍城故姜賴之墟。胡之大國也。蒲葦海溢。盪覆其國。城基尚存。而至大晨發西門。莫達東門。滄其崖岸。餘溜風飈。稍成龍形。西面向海。因名龍城。地廣千里。皆爲鹽。而堅剛也。行人所逕。畜產皆布氈臥之。掘發其下。有大鹽方如巨枕。以次相累。類霧起。

鹽澤。寡見星日。少禽多鬼怪。西接鄯善。東連三沙。爲海之北陰矣。故蒲葦亦有鹽澤之稱也。

鹽山二岳。三色爲質。赤者如丹。黑者如漆。大小如意。鑠之寫物。作獸辟惡。佩之爲吉。是曰戎鹽。可以療疾。
按上二山。亦與黑者皆小。惟白大。或如簾箱。從人所爲形也。

蒲按三一引作二。寫一作爲。是曰一作或稱。續漢書天竺國在月氏東南數千里。其國有黑鹽黃鹽。和帝時。數遣人貢獻。梁四公記高昌貢鹽二顆。大如斗狀。白如玉杰。公謂其使曰。一顆是南燒羊山月望收之者。一是北燒羊山。非月望收者。北史高昌產赤鹽。其味甚美。復有白鹽。其形如王。

天竺國有白鹽。狀如石英。太平御覽

謝按白氏六帖。天竺有梁宜鹽。

天竺有水。其名恆源。一號新陶。水特甘香。下有鹽水。萬國畢仰。北堂書鈔。原注。天竺國有新陶水。味甘美。

下有石鹽。白如水精。

謝按北堂書鈔引云。天竺國有新陶水。特甘香。有白鹽。狀如石英。與此注微異。又按水經注云。昆侖山

出六六水。山西有大水。名新頭河。郭義恭廣志云。甘水也。在西域之東。名曰新陶水。山在天竺國西。水

甘故曰甘水。有石鹽。狀如水精。

石蜜滋味。甜於浮萍。非石之類。假石之名。實出甘柘。變而凝輕。北堂書鈔。原注。甘柘似竹。煮而暴之。則凝。

如石而甚輕。

謝按劉劭七華云。西極石蜜。袁山松書曰。西城出石蜜。指此。梁四公記。高昌遣使貢刺蜜。帝命杰公訝之。謂其使曰。刺蜜是鹽城所生。非南平城者。使者曰。其年風災。刺蜜不熟。故爾。帝問杰公對曰。南平城羊刺無葉。其蜜色明白而味甘。鹽城羊刺有葉。其蜜色青而味薄。是以知蜜之僞焉。觀此。石蜜之外。又有羊刺草蜜也。

甘蔗取汁如飴。名之曰蜜。煎而曝之。能凝而冰。使如磚。食之。入口銷釋。時人謂之石蜜者也。齊民要術

謝按此當爲異物志之注文。

金剛石也。其狀如珠。堅利無匹。外國人好以飾環珥。服之能辟惡毒。太平御覽

謝按晉起居注云。咸亨三年。敦煌上送金剛玉。金中不洶不消。可以切玉。出天竺。玄中記。金剛出天竺大秦國。一名切玉刀。削玉如鐵。刀削大者長尺許。小者如稻米。欲刻玉時。當作大金鑲。著手指間。以刻刀。納鑲以刻玉。李時珍本草云。金剛石卽金剛鑽。周密齊東野語云。玉人攻玉。以恆河之沙。以金剛鑽鑲之。其形如鼠矢。青黑色。如石如鐵。相傳出西域。及回紇高山頂。騰華黏帶。食人腹中。遺糞於河北沙磧間。未知然否。抱朴子云。扶南出金剛。生水石上。如鍾乳狀。似紫石英。可以刻石。人沒水取出。雖鐵椎擊之。亦不能傷。惟羴羊角扣之。則漉然冰泮。今甘肅所出之金剛。在山間。不於水底也。欲辨真僞。

但燒赤燂醋中如故不酥碎者爲眞若覺鈍則煨赤冷定卽銳也故西方以金剛喻佛性羚羊角喻煩惱又按一引作南州異物志者非是

方外珍珠車渠瑪瑙器無常形爲時之寶視之目眩希世之巧羅刹是作非人所造太平御覽原注隨其大小以作盃椀棹槩也

高昌僻土有異於華寒服冷水暑啜羅閣太平御覽原注閣受車切此郡人取糜粥啜之俗號羅閣者也

澗按太平御覽引云高昌以粥爲羅閣當是注文又一引注云郡人以粥爲羅閣

有羊大尾車推乃行用累其身北堂書鈔

澗按郭義恭廣志云大尾羊細毛薄皮尾上旁廣重且十斤出康居郭璞山海經注大月氏國有大羊

如驢而馬尾卽此種也唐書謂之靈羊云可療毒西陽雜俎僧玄奘至西域大雪山高嶺上有一郗養

羊大如驢

月氏國有羊尾重十斤割之供食羣生如故太平御覽

澗按郭璞山海經注月氏國有大尾羊如驢卽臧羊也方國志云大食國出胡羊高三尺餘其尾如扇

每歲春月割取脂再縫合之不取則服死天中記莊浪衛近雪山有饕羊土人歲取其脂不久復滿腹

卽目及羊也又按玄中記大月氏有牛名目及今日割其肉明日瘡愈亦此類

月氏有羊大尾，稍割以供賓客，亦稍自補復。太平廣記

謝按金樓子：大月支及西胡，有牛名曰日及。今日割取其肉，明日其瘡遂愈，亦稍割羊之類。

有大秦國北，有羊子生於土中。秦人候其欲萌，爲垣以透之。其臍連地，不可以刀截，擊鼓驚之而絕。因跳

鳴，食草以一二百口爲羣。太平廣記

謝按鄒郁西域記：以羊臍種於土中，溉以水，聞雷而生。臍與地連，及長，驚以木聲，臍乃斷，便能行。齧草至秋可食。臍內復有種，名壠種羊。段公路北戶錄：大秦國有地生羊，其羔生土中，國人築牆圍之。臍與地連，割之則死。但走馬擊鼓以駭之，驚鳴臍絕，便逐水草。吳策淵穎集云：西域地生羊，以脰骨種土中，聞雷聲則羊子從骨中生。走馬驚之，則臍脫也。其皮可爲褥。一云：漠北人種羊角而生，大如兔而肥美。三說違異，有種臍種骨種角之分，當以種骨爲是。

大宛天馬，有肉角數寸，或有解人語，及知音舞與鼓節相應者。太平御覽

謝按馬有角者爲驢，王會篇：俞人之雖馬一角。又按隨西域圖經記：大宛馬驢馬烏馬多赤耳，黃馬赤馬多黑耳，惟耳色別，自餘毛色與常馬不異。玄黃經：大宛馬肉可以爲脯，注血凝於器，煮可食，味殊美。食之使人健，行人善升，神異經：大宛有良馬，鬣至膝，尾垂於地，名曰簫梢，謂尾之長者簫梢然，搖動可起朔風。曹植獻文帝馬表：臣於先武皇帝世，得大宛紫騮馬一匹，形法應圖，善持頭尾，教令習拜，今輒

已能行與鼓節相應。宋書宋大明五年，以谷渾拾遺使獻舞馬，朝野僉載。唐玄宗舞馬四百號，分爲左右部，皆衣以錦繡，終以金銀，每樂作，奮首鼓尾，縱橫應節。

鷓鴣鳥大如雉，雉色赤或黑，而能鳴，彈射取之，其肉香美，可以作炙及腊。太平御覽

蒲梭北堂書鈔引云：鷓鴣鳥大如雉，其肉香美，可以作炙及腊，與此少異。

封牛，其背如駝。初學記

蒲梭節古漢書注：封麋，麋封背上有一封也，封言其隆高，若封土也。今俗呼爲封牛，一引作羊。又按後漢書順帝紀：疏勒國獻封牛，注云：領上肉隆起若封然，因以名之。卽今之峯牛，西域傳云：大月氏出一封駝，脊上有峯隆起若封土，故俗呼爲封牛，亦曰彌牛。程天子傳謂之物牛，爾正謂之擲牛。

斯調國在大湖，在西海中，其上有野火，春夏自生，秋冬自死，有木生於其中而不消也。枝皮更活，秋冬火死，則皆枯朽，其俗常冬采其皮，以爲布，色小青黑，若塵垢汚之，便投火中，則便鮮明也。魏志

謝榛搜神記：崑崙之墟，有炎火之山，山上有鳥獸草木，皆生於炎火之中，故有火浣布，非此山草木之皮，卽其鳥獸之毛也。漢世西域舊獻此布，中間久絕。至魏初，時人疑其無有，文帝以爲火性酷烈，無含生之氣，著之典論，明其不然之事。絕智者之聽，及明帝立，詔三公曰：先帝昔著典論，不朽之格言，其棄石於廟門之外，及太學，與石經並，以永示來世。至是西域使至，獻火浣布焉。於是疑滅此論，天下笑。

之。又按魏景初三年，西域重譯獻火浣布，注引異物志，卽涼州異物志也。西海一作南海，誤矣。

有小羊，通若斥，峭石如壁，上下如跌。太平御覽原注：斥，顧熟切。

爰有水牛，育於河中，周留水牛也。毛青大腹，銳頭青尾。太平御覽

謝按一作州留，鬱林異物志：州留者，其實水牛，蒼毛豕身，角若擔矛，衛護其犢，與虎爲讐。

大秦之國，隨首去軀，操刀屠人。太平御覽

高昌人謂玄玉爲石驢。太平御覽

夷州無銅鐵，取磨礪青石以作弓矢，此石弩倍矢之類。北堂書鈔

月氏俗乘四輪車，八牛可容二十八人，王稱天子。太平御覽

外域人隨舟大小，或作四帆，或三帆，前後各施，以取風氣，而無高危之慮，故行不避迅風激波，安而能疾。

北堂書鈔

青木香，出天竺，是草根，狀如甘草也。甄柁本草

潘松之玄景曰：青木香出大秦，隨書樊子蓋爲武威太守，車駕入吐谷渾，子蓋以彼多瘴氣，獻青木香。

以禦瘴露之邪。

大秦國以水精爲碣，瑠璃爲牆。

謝按大秦記云。大秦以水精爲屋瓦。此涼州異物志也。太平御覽引作南州異物志誤。

玉出崑崙。

唐李珣本系

謝按晉鴻臚卿張匡都使于闐。作行程記。載其國采玉之地。云玉河在于闐城外。其源出崑崙。西流一千三百里。至于闐界牛頭山。乃疏爲三河。一曰白玉河。在城東三十里。二曰綠玉河。在城西二十里。三曰烏玉河。在綠玉河西七里。其源雖異。而其玉隨地而變。故其色不同。每歲五六月。大水暴漲。則玉隨流而至。玉之多寡。由水之大小。七八月水退。乃可取。彼人謂之撈玉河。其國中禁器用服。食往往用玉。中國所有。亦自彼來。

鼠母頭。腳似鼠。毛蒼口銳。大如水牛。而畏狗。水田時有外災。起於鼠。

切學記

謝按一引云。口銳蒼末。云見則主水災。又按晉書云。宣城郡出隱鼠。大如牛。形似鼠。鼯腳類象而鼯蹠。毛灰赤色。胸前尾上白色。有力而鈍。金樓子云。晉寧縣境出大鼠。狀如牛。人謂之偃牛。時出山游。毛落田間。悉成小鼠。苗稼盡耗。梁書。倭國有山鼠如牛。有大蛇能吞之。魚豢魏略云。大秦國有辟毒鼠。劉敬叔異苑云。西域有鼠王國。鼠之大者如狗。中者如兔。小者如常鼠。頭悉白。商估有經過其國者。不先祈祀。則啗人衣裳。勃野國有鼠。尾長於常鼠。其國禁殺鼠。殺者加其罪。

大狗如驢。希見其牙。

太平御覽

樹按郭義恭廣志。樹實大如臠，赤色，數里搖輓以呼之。

木有摩廚，生於斯調，吸汁肥潤，其澤如膏，馨香馥郁，可以煎熬。彼州之民，仰爲嘉肴。太平御覽原注：摩廚，木名，生於斯調州，如脂膏，可以煎熬食物也。煎熬食物，香美如華夏之人用油也。

樹按一引膏上有脂字，又引云：食之香美，如中國用油，誤以注爲正文。

甘松，出姑臧涼州諸山，細葉，引蔓叢生，可合諸香及裏衣。本草

樹按其味甘，故曰甘松也。金光明經謂之苦彌哆，哆音扯。蘇頌曰：叢生山野，葉細如茅草，根極繁密，八月采之，作湯浴，令人身香也。又按他書引作廣記，而甄權本草引作涼州異物志。

琉瑰之末，成松膠也，或以作杯瓶。太平御覽

樹按末，一引作本，杯，一引作孟。又按論衡云：頓牟拾芥，頓牟，琥珀之異名也。博物志：松脂淪入地，千年化爲茯苓，茯苓化爲琥珀，與志同。若玄覽言楓脂千歲爲琥珀，酉陽雜俎言龍血入地爲琥珀，疑誕。

鬱金，出罽賓，國人種之，先以供佛，數口萎然後取之，色正黃，與芙蓉裏嫩蓮者相似，可以香酒。甄權本草

樹按晉左貴嬪有鬱金頰，曰：伊有奇草，名曰鬱金，越自西域，厥珍來尋，芳香酷烈，悅目怡心，明德惟馨，淑人是欽。又按唐書太宗時，伽毘國獻鬱金香，葉似麥門冬，九月華開，狀似芙蓉，其色紫碧，香聞數十步，華而不實，欲種者取根，此與異物志所言華色不同，疑別是一種。他書引作楊子異物志者非。

肅陸出大秦國在海島有大樹枝葉正如古松生於沙中盛夏木膠流出沙上狀如桃膠夷人采取賣與商賈無買則自食之。室西錫嘉祐太平

樹按宋陳承別說云肅陸香出西天竺色黃白又按佛書謂之天澤香言其潤澤也又謂之多伽羅香又曰篤耨香一作杜嚕也

大秦國以野繭絲織成毼毼以羣獸五色毛雜之爲鳥獸人物草木雲氣千奇萬變惟意所作上有鸚鵡遠望軒軒若飛。北堂書鈔

樹按太平御覽引無末二句又引云以羊毛雜羣獸之毛織爲鳥獸草木人物雲氣作鸚鵡遠望軒軒若飛也

縣泉水一名神泉在酒泉縣東一百三十里出龍勒山腹漢貳師將軍李廣利伐大宛還士衆渴乏水廣利乃引佩刀刺山飛泉涌出三軍賴以獲濟今有祠甚嚴郡侯歲謁。太平寰宇記

樹按此段十三州志亦引之

火齊出天竺狀如雲母色如紫金節如蟬翼積之如紗縠重沓

樹按太平御覽引作南州異物志非是今正之

鱮魚作膾味異無羶。太平御覽

靈狸一體自爲陰陽。刳其水道連囊以酒酒陰乾其氣如麝。若雜入麝香中罕能分別。用之亦如麝焉。拾遺

之本草

樹按劉郁西域記云黑契丹出香狸文似土豹其肉可食糞溺皆香如麝氣又按靈狸卽楚詞之神狸也滇南海皆產之亦卽山海經夏爰山之類也

獸鑿二音

狼狀如麝而角向前入林則得之角正四據人因以作踞狀太平御覽

樹按漢書南蠻傳注引異物志云麝狼狀如鹿而肉角觸前向入林樹挂角故恆在平澤草中肉肥照香美逐入林則搏之皮可作履驪角正四據人因以爲狀較此詳

璃琉本質是石以自然灰治之可爲器石不得此則不可釋

樹按魏略云大秦國出金銀琉璃有赤白黃黑青綠縹紺紅紫十種此乃自然之物澤潤光采踰於衆玉今俗所用皆銷治石汁以衆藥灌而爲之虛脆不眞陳藏器引爲南州異物志者誤今改正

蔥嶺之水分流東西西入大海東爲河源禹記所言崑崙蓋本河所出也潛發於蒲昌洛書所紀出於重野經積石爲中國也張騫但能至大宛見河水初不達其潛發處博物志

樹按水經注引云蔥嶺之水分流東西西入大海東爲河源禹記所言崑崙者焉張騫使大宛而窮河源謂極於此而不達於崑崙也太平寰宇志引亦同蓋節引又按西域記有國名伽舍羅逝此國狹小

而總萬國之要道，無不由城南，有水東北流，出羅逝西山，山卽蔥嶺也。

古渠搜國，當大宛北界。

水經注。

澗按：寰宇志引宋膺異物志云：渠搜在疏勒國西。又按西域志云：錄汗國卽古渠搜也。樂史謂鑑汗一名判汗都，在蔥嶺五百餘里。

豬野，今姑臧界豬野澤是。

水經注。

漢元鼎中，新野人暴利長遭刑，屯田於渥洼水邊，見羣野馬來飲，中有奇者，乃使土人持勒絆立，後馬因翫久之，利長乃用人代土人收得馬以獻，帝異之，云從水中出，遂作天馬歌。故漢書謂大宛出名馬，亦相近也。

太平御覽。

澗按：漢書武帝紀注引此字句微異。

大月氏在天竺南，北可七千里，地高燥而遠，國王稱天子，國中騎乘常，數十萬匹，城郭宮殿與大秦國同，人民赤白色，便習弓馬，土地所出及奇瑋珍物被服鮮好，天竺不及也。

澗按：一本引末云：外國稱天下有三衆，中國爲人衆，大秦爲寶衆，月支爲馬衆。史記正義引作萬震南州異物志，此記西方事，係涼州異物志，萬震書未嘗及西域也。

天竺地方三萬里，佛道所出，其國王居城郭，殿皆雕文刻鏤，街曲市里，各有行列左右，諸大國凡十六，皆